



佛祖歷代通載卷第二

嘉興路大中祥符禪寺

太古諸君

太至極也古此

白虎通羣也羣下

歸心

盤古首君治壹萬八千歲

列子曰運即盤古也北山曰天曰高一丈地曰厚一丈盤古曰長一丈頭極東及極西左手極南右手極北開目為曙閉目為夜呼為暑吸為寒吹氣成風雲吐氣成雷霆四時行焉萬物生焉八絃九圍之大其孰與多三皇五紀之尊其孰與先古今記

盤古死後形今物象也

天皇氏一身十三頭韋昭曰兄弟十三人分地治化

各一萬八千歲古今記曰天皇一身上十三首也

地皇氏一身十一頭韋昭曰兄弟十一人治一萬一

千年帝王甲子云九千年也有云三皇皆一萬八千年

四

人皇氏一身九頭帝昭曰兄弟九人分治九州帝王甲子云四千五百年人皇六十五代四萬五千六百年

五

五紀

五龍紀五姓在位二十七萬三千六百年時人食葉居巢

攝提紀七十二姓在位六十四萬九千五百二十年始今晝夜日時月朔月為玉兔蝦蟆金烏三足出

扶桑沒咸池也

合熊紀三姓在位六萬三千年也

連逕紀六姓在位六萬九千年帝昭曰三萬二千年

叙命紀四姓在位四萬年也

有巢氏百代不記年禮曰昔者先王未有宮室冬則

塋窟夏則居橧巢未有火化食草木之實鳥獸之

肉飲血茹毛也

燧人氏鑽木出火禮曰燔黍擘豚注曰中古未有釜

甑擇米脾肉加于燒石之上食矣古今記曰以木

德王治八萬年

六

七

太古以還四時既序晝夜長短今至斯興書曰暮三

百有六旬有六日以閏月定四時成歲天體至圓周圖三百六十

五度四分度之一繞地左旋常一日一繞地一周而過一度

日麗天而少遲故日行一日六繞地一周而在天為

不及一度積三百六十五日九百四十分今日麗天而尤

遲一日常不及天會是一歲日行之數也月麗天而尤

日九百四十分今日之四十九百九十九而與日會十二會

得全日三百四十八餘今之積又五千九百八十八

如日法九百四十分而一得六不盡三百四十八通計

得日三百五十四九百四十分今日之三百四十八是

一歲月行之數也歲有十二月月有三十日三百六

十分者一歲之常數也故日與天會而多五日九百四

日九百四十分之五者為氣盈月與日會而少五

日故一歲閏率則十日九百四十分今日之八百二十

七三歲一閏則三十二日九百四十分今日之六百二

一五歲再閏則五十四日九百四十分今日之三百七

十五年有九歲七閏則氣朔分齊是為一章也故三

年不置閏則春之一月入于夏而時漸不定矣子之

一月入于丑而歲漸不成矣積之久之至於三失閏

則春皆入夏而時全不定矣十二次失閏子皆入丑

歲全不成矣

八

太昊伏羲氏

風姓號太昊母曰華胥履巨人跡感而

犧安國首之王謚

木德都陳留

今交州小

百一十年始畫八卦造書契

以代結繩之制嫁

娶女適曰嫁設網罟以取魚

網羅也爾雅鳥罟謂

罟謂造二十五絃瑟

長七尺二寸廣一尺八寸

三皇

中庸子曰皇天也內外

雷氏曰

上古洪荒

義農軒轅

十五年有九歲七閏則氣朔分齊是為一章也故三年不置閏則春之一月入于夏而時漸不定矣子之

罟謂造二十五絃瑟

長七尺二寸廣一尺八寸

女媧氏

姓風伏義之妹能變化萬物也

造笙簧

長四尺列管匏中施簧大者十九簧

小者十三簧竿三十七簧長四尺

二寸用竹為之形狀參差如鳥羽鍊五色石以

補天缺斷鼇足以立四極在位一百四十年

共工氏 大庭氏 柏皇氏 中央氏 陸栗氏

驩連氏 赤胥氏 尊盧氏 混沌氏 吳英氏

葛天氏 朱襄氏 陰康氏 無懷氏 凡一十五

代通一萬七千七百八十七年經史不載

社神 昔共工氏有子曰后土能平九州祀為社神

五土之主五土者謂山川陂澤丘陵墳衍原

炎帝神農氏

姜姓號炎帝母女登氏感神龍而生

王

九 十

火德都陳遷曲沃在位一百四十年葬長沙易曰

神農氏斲木為耜柔木為耒始教天下播種五穀

又嘗百味為本草治醫藥演八卦為六十四作市

井貨易作祭禘製五絃琴象五行也自下帝承帝

臨魁帝明帝直帝來帝哀帝揄罔凡八代五百四

十年

黃帝有熊氏

姓公孫名軒轅少典次子生而神靈弱

十一

榆岡末生諸侯相伐帝作弧矢征之天下咸伏伏

虎儼猶愁之干埃坂有蚩尤兄弟八十一人銅頭

鍊額嗽沙吞石是山海之精以亂天下戰于涿鹿

之野受斬于中帝鑄鼎成飛仙攀龍去也壽二百

冠於橋山

在位一百年臣左徹

侯刻木為相率諸

甲子
造合宮製衣服使魯班造舟車

舟游也可以以濟水車舍也可以行居

建屋宇制棺槨以送死始有葬禮

禮曰天子七日而殯三月而葬大夫及士庶人三日而

諸侯五日而殯五月而葬大夫及士庶人三日而殯三月而葬天子墳高三仞樹以松柏諸侯半之樹

以柏大夫八尺樹以栗適士官高四尺樹以槐庶人無墳樹以楊柳

作咸池樂用天

老力牧太山稽為相

風后定甲子

帝即位三十八年始命大槁作甲子故以三十八年為第

一甲子逆推元容成造曆隸首算數問道廣成子

蒼頡為史岐伯辨草木俞附定脉經伶倫制律呂

以調律呂管長九寸以竹為之或損或益以定五音置九州

歷帝紀云黃帝有子二十五人得姓者十二人姬酉初已滕箴任苟僖始際休今治九州謂真青徐豫雍梁楚揚燕後長至幼以次

封之後子孫五帝三王並其苗裔帝娶大庭氏生二子長曰玄枵幼曰昌意

凡十八代

一千五百二十年

五帝

中庸子曰帝者體也內心無為而迹涉有為以德教化民也德象天地曰帝

雷氏曰少顓嚳唐堯虞舜傅夏

少昊金天氏

姓巳名摯字青陽母曰女節有星如虹下流感意而生被髮跣足無冠冕黃帝

之子壽丁卯立在位八十四年王金德都窮桑又

遷曲阜立坊市用度作樂置一百二十行以鳥紀

官鳳皇至凡十代四百九十年

顓頊高陽氏

姓姬名顓頊黃帝孫昌意子有星如虹女嫗感而生壽九十八崩葬于頓丘書

載疏辛卯立在位七十八年王水德都帝丘今濮陽縣作

曆以孟春為元造平冠冕廣八寸長一尺六寸至

用藻制三公九儀二十四司養材任地戴時象天

神人不襍萬物有序生八才子謂之八凱平九黎

之亂制氣以教化潔誠以祭祀辨君臣之道作五

莖之樂合為五行之根基也凡八代五百二十年

帝嚳高辛氏姓姬名岐黃帝曾孫玄枵孫蟠巳酉立

在位七十九年王木德都亳今偃師縣師赤松子置五

行官以勾芒為木正少昊之子祝融為火正顓頊之子蓐收

為金正少昊之子玄冥為水正亦少昊之子后土為土正高陽

生八才子謂之八元造鎡鑊鞀鼓鐘磬塤箎鼓以皮合

十四

十五

木擊乃鳴鐘範金合土以鈴而不圓高二尺二寸

半厚八分名懸鐘磬前長三律二尺七寸後長二

律一尺八寸名黃鐘磬塤燒土為之大如鴈卵

上平底而有五孔白虎通云形如秤錘而有六孔

與周禮少別箎以竹為之一尺四寸凡九代三百五

十年左傳曰蒼舒曠數擣戴大臨雁降庭堅仲容

帝堯陶唐氏姓伊初名放勳黃帝玄孫帝嚳次子甲

辰立位在位九十八年王火德都平陽今晉州又遷安

邑通舜為政一百一十八年始丙寅終癸卯舜喪

曆象日月星辰敬授民時天降牝羊名觸邪死埋

通鑑

草高八尺月朔生一葉至望全十五葉望後凋一葉至晦凋盡有羔名薊豕死葬殿左生朱草長一丈名指立衡室作園基三百六十路象三作大樂

章嘉禾茂鳳皇來有賢人三十二人名未詳立敢諫

鼓洪水九年命繇及十日並現命羿射之九禽斃

義和國有女名羲和生十日浴于海中張羿善

嘗於西王母處得不死藥乃獸芝也妻盜食之

奔入月宮名嫦娥因此月名蟾蜍即田父矣

帝舜有虞氏大姁名重華字都君顓頊六代孫龍顏

三十登庸南巡崩於王土德都蒲坂今河堯時攝

政二十八年通治五十年疑山謚仁聖惠明曰舜

詠南風詩舉十六相謂八豈去四亮左傳曰驩

五刑之名
此下詳

人也掩義隱德好行兇暴謂之渾敦共工少昊不

才子也傲狠明德以亂天常謂之檮杌三苗黃帝

之臣縉雲氏不才子貪于飲食冒于貨利謂之饕

也臣倮造漆器使臯陶斷獄定五刑自舜代鄭注

禮曰墨謂割頰涅之以墨非事出入不以道義者

以此加之剝即去鼻革輿服改制度者以此加之

勢乃刑足決閔渠踰城郭以此加之宮謂男去其

掠死罪也寇盜劫作韶樂造總章韶有九數十一

此起樂也敵如伏虎背上為二十八鈕錡刻以木

尺六寸許法三九陽數之窮憂之以止樂也琴長三

下竅曰濱前廣後狹象尊卑也上負下方法天地

七絃鍊朱絲為之長七尺二寸法七十二候有說

通鑑

卷

於身非若鐘鼓陳于宮廟列於簏簏也以其大小
得中而和雅大不謹譁而流湯小不湮滅而
不聞足以發人之意氣也瑟如前注搏拊形如鼓
以常為之實之以糠擊之以節樂球玉也為磬擊
之使鳴也堂下樂有五簫如鳳翼編竹為之長
一尺五寸大者二十三管曰洞簫小者十六管曰
雅簫周禮有二雅簫長一尺二寸發鼓持柄搖之旁耳
自擊鑪大鐘也笙如前注立十二州葬用瓦棺少
管竹為之而有七孔也
之前天下之号象其德顯頊以來天下之号因其
名若高陽高辛皆所興之地劉氏外紀以三皇五
帝之号為俗傳

三王 中庸子曰王往也加以刑謂夏商周三代

夏 雷氏曰禹啓三康相宁樛芒泄降局厘

夏后氏 禹姓姁名文命字高密黃帝八代孫鯀之子号



過其門 王金德都安邑 今均州 為堯司徒 鄭注一

吏部尚書亦曰天官冢宰太宰二兵部尚書夏官

亦名大司馬三戶部地官亦曰大司徒四刑部秋

官六曰冬官六曰大司寇五禮部春官亦曰銓長 治水十二

年乘四載 陸行車水行舟 開九州 冀州東南河西北

州東南據濟西北距河青州東北距海西南距徐

州東至海北至岱南及淮揚州西北距海西南距徐

州北山據荆南及衡陽州西南距黑水東北距河梁

州東距華山西據黑水雍州西距黑水東據龍門

西河通九道陂九澤度九山決九川堯錫 在位十

六年 始甲戌終巳酉東巡至會稽崩 號年曰歲建

寅為正作大夏樂葬用聖 風氏長四尺 號年曰歲建

啓禹之子 母化為石 一 癸未 立在位九年 十年 云郊禘



祖宗禘黃帝文祖配文祖郊太宗禹配天祖父祖啓祀立

廟禘壇太祖禹五廟

太康啓之子作歌風之遂失其位壬辰立治二十九年

仲康太康之弟辛酉即位

帝相仲康子徙都商丘為有窮后羿所殺而篡其位

羿自立二十年復為夏臣靡誅

少康相之子母曰有仍氏有田一成有衆癸未立治

四十九年作箕箒

寧少康子癸卯立治十七年

槐寧子庚申立位二十六年

芒槐子丙戌立治十八年

泄芒子甲辰立位十六年

不降泄子庚申即位治五十九年

扈不降弟已未立位二十一年

厘扈子庚辰即位治二十年

孔甲不降子好事鬼神淫亂辛丑立位三十一年

湯王始生

皐孔甲子壬申立治十一年

癸未即位治十年十一云

桀癸之子名履癸嬖有施氏女曰末喜淫酒暴虐逢

焚黃圖二臣大廢夏道時有二日開明晦自壬寅
今湯伐之放于南巢而死謚賊仁多殺曰桀
即位都安邑治五十二年

凡十七代通四百三十二年

殷 雷氏曰降及殷湯外丙仲壬太甲沃丁太

甲祖乙祖辛沃甲祖丁南庚陽甲盤庚小辛
小乙武丁祖庚祖甲廩辛庚丁武乙太丁帝

乙帝辛王三十
主六百二十九

湯

姓子氏其先高辛子契十四 王水德都亳 今偃師
世系始祖高為堯司徒官

也 昭明○相土○昌生○曹園○冥○振○微○

報丁○報乙○報丙○主壬○主癸 履生子 王名履

字天乙以乙日生也黃帝二十一代孫其先契母
簡狄吞於玄卯剖背而生契以玄鳥因子而生故

德及禽獸矣 夏桀不道舉伊尹為相伐之承祚

東征西怨南征北怨大旱七年自責六過燒身乃

雨乙未立大治十三年壽一百歲建丑為正號年

曰祀 謚曰除 代有彭祖 姓篋名鏗賢大夫也壽八
百歲好述古事謚曰彭祖

外丙 湯次子 治三年○仲壬 弟外丙 治四年

太甲 湯長孫太丁子立而不明伊尹放諸 治三十三
桐宮三年悔過復迎歸亳政其位

年立廟六 湯二穆 太甲郊祀祖宗 禘帝嚳文祖
郊冥 配天祖

祖契 配文祖太 太甲祀

沃丁 太甲子 辛巳立治三十年 八年伊
尹卒

太康 沃丁弟 治三十年 一云二十五年古
今紀三十五年

甲子

小甲 太康子 治十七年 七年二月甲申朔起曆

雍已 殷道廢 弟 治十二年

雍已弟初立不道諸侯叛之 治七十五年

子自毫 治一十七年 十一云

外壬 仲丁弟 治十五年 ○ 河亶甲 外壬弟復遷于相 治九年

祖乙 亶甲子又遷于耿今河東皮氏縣巫賢任職與 治一十九年

祖辛 乙之子 治十六年 ○ 沃甲 祖辛弟 治二十五年

祖丁 沃甲兄 治二十五年 ○ 南庚 沃甲子 治二十九年

陽甲 祖丁子 治十七年

盤庚 陽甲弟改殷曰 治十八年

小辛 盤庚弟 治二十一年 殷道衰百姓思先帝作盤庚二篇

小乙 小辛弟 治二十二年

武丁 小乙子以傳說為相修德布政天下咸歡書曰高宗諒闇三年君不言禮云三年之喪君不言

百官咸聽冢宰 治五十九年 壽一百歲 廟號高宗

祖庚 武丁子 治七年 ○ 祖甲 祖庚弟 治十六年

廩辛 祖甲子 治六年 ○ 庚丁 廩辛弟遷于朝 治廿一年

武乙 庚丁子不道慢神虐民 治四年

太丁 武乙子 治三年 ○ 帝乙 太丁子 治三十七年

紂辛 一名受 帝乙之子微子啓弟啓之母賤在朝不

外用惡來設酒池肉林糟丘使男女裸形相逐其間作長夜宮計一百二十日為一晝夜制炮烙刑

諸熱熨斗不實玉衣剖賢人之心斯朝涉之脛治三
十一年謚曰殘義殷有三仁箕子微子丁未即位

凡三十主通六百二十九年

周 雷氏曰下迨有周文武成康昭穆共懿孝夷厲宣幽攜平桓莊僖惠襄頃匡

定簡靈景悼敬元貞哀考威烈安夷顯聖慎觀至報歸秦王三十七七八百六七

文王姓姬氏至武王王木德其先起于后稷帝嚳之妃姜嫄

履大人迹而生多有異相棄之既茲牛馬不踐移山獸育置冰禽養復收而育故名棄姓好種植事

堯為稷官功封不窋○鞠○公劉○慶節○皇僕于郃曰后稷也

○老弗○毀渝○公非○高圉○亞圉○公祖類

○太王亶父古公曰生三子太伯虞仲季歷文王父也初國

于幽古公遷于岐伯仲知古公欲立季歷以傳昌乃奔荆蠻果立歷以傳昌也古今記世紀有異于

史記王名昌季歷子一名大王少子都在位五十年乾六宮

壽九十七謚忠重八卦之交為周易數有九

信接禮曰文坎一宮七數二巽四宮八數三老陽也

三三震三宮七數二巽四宮八數三離

宮八數三坤二宮六數二兌七宮八數三有六爻六神名主吉凶之事謂

青龍朱雀白虎玄武騰蛇勾陳伯夷并齊姓墨孤

聞西伯善養老歸之又請紂去炮烙之刑

武王發文王子既立以太公望為師周公旦為輔召

畢之徒為左右同謀伐紂起兵涓水諸侯不期會

者八百皆云紂可伐矣戊午日兵臨孟津癸亥夜

陳于商郊甲子戰于牧野前徒倒戈血流漂杵既

克殷大定天下歸馬華山之陽倒載干戈在位七

年壽九十三葬于鎬禮曰天下有王今地建國置

都立邑古制王畿千里不及曰附庸周置王畿千里公

五百里侯四百里伯三百里子葬之以翬武世本曰

二百里男一百里不及曰附庸葬之以翬武王作

置墻以飾棺乙卯立建子為正雷氏曰鄭宋晉吳

十四國諸侯隨王代封雷氏曰衛秦齊魯

陳杞曹蔡燕召

吳太伯太王子與弟虞仲奔于荆蛮斷髮又身

示不可用以辟季歷荆人立為君号曰

勾吳武王克殷封章為吳章至壽夢十九世

稱王夢生四子次曰季扎大有賢德欽立

札讓兄諸樊吳人同立扎扎又舍之至餘祭

立封扎于延陵自太伯至夫差二十五世越

一君六百五十五年敬王時也列子曰昔吳

太宰問孔子曰夫子聖者與曰丘博識強記

王善用智勇聖非丘所知五帝聖者與曰五

帝善用仁信聖則非丘所知三皇聖者與曰

三皇善用時政聖則非丘所知太宰駭曰然

則孰為聖者與夫子有間動容而對曰西方

有聖者焉不治而亂不亂而自信

齊太公望亦名呂尚東海人也本姓姜氏其先

熊之兆獵渭而會曰吾望于久矣因名呂望

一名武師代紂亦名尚父封于營丘今青州

臨淄也至小白稱桓公始霸自太公下丁公

呂伋乙公癸公哀公胡公獻公武公厲公文

公成公莊公釐公襄公桓公孝公昭公懿公
惠公頃公靈公莊公景公孺子悼公簡公平
公宣公康為田和篡滅共三十君七
百四十七年當周安王十七年也
管仲鮑

陳胡公滿有虞之後姓媯氏昔舜為庶人堯妻
二女居于媯因以為姓武王克殷

乃求舜後得滿封于陳以奉舜祀是為胡公
自胡公下申桓孝慎幽釐武英平文桓厲莊
宣穆共靈成哀惠懷濬二十三年君六百
五十二年敬王四十年為楚滅之也

杞東樓公夏禹之後殷時或封或絕武王克殷
千祀陳留雍丘縣是也自東樓公至
簡公春一十九君五百三十九

曹邾振鐸文王第六子武王弟封之于曹今濟
陽定陶縣也至伯陽好田弋忘政而
亡後曹伯背晉于宋自振鐸下太伯仲若宮
伯孝伯夷伯幽公戴伯惠伯碩伯穆公桓在

世昭共文宣成武平悼襄隱靖伯陽二十六
也滅之六百四十五年敬王三十三年為宋景公

蔡邾度文王第五子武王弟克殷後封邾鮮于
管封度于蔡使二相紂子武庚一名祿

魯周公旦文王第四子武王克殷封少昊之墟
今兗州仙源縣也公不就在魯武王

武王崩後輔成王使子伯禽代就于魯公誠
曰我文王一沐三握髮一食三吐哺起以待士
恐夫天下賢人子之魯母以國驕人伯禽受

命于魯自伯禽下孝湯幽魏厲蘇真武懿伯
御孝惠隱桓莊閔僖文宣成襄昭定哀悼元
穆共康景平文傾三十四君九百一十五年

至秦莊襄元年楚考烈王滅之○隱公春秋
始哀公卒哀公
十六年孔子卒

燕召公奭

與周同姓武王克殷封于燕成王時

行鄉邑有甘棠樹決獄其下名卒民思伯不

敢伐之作甘棠詩焉自公之下元世王惠侯

釐傾哀鄭繆宣桓莊襄桓宣昭武文懿惠悼

元平簡獻孝成潛釐桓文易王子噲昭惠武

成孝今喜三十七君八百

九十四年秦始王滅之

成王誦武王子洛年十三即位周公攝政制禮作樂天

下和睦七年歸政于王卜世三十卜年七百治四

十七年周公定君臣禮樂成王褒之制三公太師

太九卿一太常主音樂二光祿主酒饌三大理主

保主種殖七鴻臚主蕃客八二十七大夫九品八

十一元士重定五刑立七廟制禮曰廟三昭三穆

與太祖之廟而七注曰此周制七廟太祖及文武
二祧與清廟四七太祖社稷也昭明也察下為義
穆肅也敬上為義太祖居西面東三昭面南三穆
面北九穆主藏文廟昭主藏武廟有禱出主祭于
增文武二祧朝享之皆四孟月○五代祖主
藏之于祧有禱則出遷祭之無禱乃止矣

姜 閔宮 嫻 先妃

昭 周 祖 考 亦 昭 考 亦 昭

昭 周 祖 考 亦 昭 考 亦 昭

昭 周 祖 考 亦 昭 考 亦 昭

始 后稷 太宗 裕先王 祖 遷 主 藏 之

除地 壇 封 壇 鬼 歸 也

庭 碑

疏 屏

裕 夾 何

祭法曰

凡祭有四春祭曰禘薄也夏祭曰禘第也
秋祭曰嘗嘗百穀味冬祭曰蒸進也品物

晉炆虞 字子干武王子成王弟成王與炆虞戲

因請擇日立炆虞王曰吾與戲焉佚曰天子

無戲言遂封十唐今河東皮氏也炆虞子燮

是為晉侯至獻公滅虢始都後文公重耳始

霸自炆虞下變武成厲靖釐獻穆蕩文昭頃定

邠哀潘獻惠懷文襄靈成景厲悼平昭頃定

出哀幽烈孝靜公也三十六君七百四十九

年安王時韓魏趙滅之

衛康炆 文王弟九子武王同母弟成王以殷餘

也至元公徙野王縣今河內也自康炆下康

伯孝嗣康靖真項釐共武莊桓宣惠辛懿文

成共穆定獻殤襄靈出莊班起悼敬昭懷慎

聲成平公嗣懷元君角凡四十三君九百年

也素二世廢君角為庶人

楚熊繹 顛頊之後至季連以芊為氏後裔熊繹

也成王舉文武勤勞之後嗣封繹于楚

蠻今江陵枝江縣也至申君徙都壽春自繹

至負芻二十五君計七百八十九年歸秦

康王釗 成王 召畢二公受顧命而相之二世安寧刑

錯不用四十餘年治五十二年癸亥即位

佛祖歷代通載卷第二

徑山傳衣菴沙門明得

平湖天心院居士陸光宅共刻

佛祖通載一卷伏願

佛日常輝

祖燈遐照

衆生海隨時應濟普渡無邊

法界性一念圓通頓同沙劫

明隆慶五年歲在辛未夏孟月十九日敬識

佛祖歷代通載卷第三

嘉興路大中祥符禪寺住持華亭念常集

周

巳丑

昭王瑕

康王子王道微缺因南
巡狩乘膠船沉於水

治五十一年

癸丑

二十五年四月八日大聖現白象瑞七支案地乘雲

而下降神大術胎中右脇而住豈若虹樞現表厥命

世者也

甲寅

二月八日世尊生于迦毘羅衛國藍毘尼園波羅叉

正尊右
胎而生

樹下從母摩耶夫人右脇而出姓刹利父淨飯天母

大清淨生時九龍吐水金盤沐已周行七步自言五

受寂後生身天上天下唯吾獨尊相好莊嚴具三十
二大人之相諸經有別

且依一文三十二者一足下
平滿二千輻輪紋三手柔軟
如兜羅綿四指間網鞞猶如鷲王五諸指纖長六足
跟充滿七足跌相承八雙臂修直九雙睇圓滿如伊
左延鹿王十陰峯巖密如象馬王十一毛青右旋十
二髮毛上靡十三身皮金色十四皮閏離垢十五七
處充滿十六肩項殊妙十七膊腋臍直十八容儀紅
滿十九身相端嚴二十量圓孤柳二十一領臆獅子
二十二常光一尋二十三齒白齊密二十四牙鮮鋒
利二十五常得上味二十六舌覆面輪二十七梵音
頻伽二十八眼睫紺青二十九眼晴如牛王三十面
如滿月三十一眉間白毫三十二鳥琴膩吒猶如天
蓋更有八十隨好
具如般若等說

丙辰 太子三歲父王携謁天神廟神像起立王驚嘆曰天

中天

庚申 太子七歲詣師習世間書典

太子十歲與兄弟搆力以手擲象城外射透鍤鼓九
重世尊示出家太子出遊四門見生老病死者北門

見出家人生欣樂心二月八日夜淨居天報言太子

出家時至遂乘馬逾城至檀特山拔劔斬髮入彌樓

山阿藍迦處習不用處定今依六年苦行三十成道

之教也有說十二月八日出家諸部說異玄贊疏云

總會諸文而為二說一云諸部說十九出家三十成

道本起因緣經亦十九歲思惟無相三昧經三十成

道智論亦十九不說成道時佛住世實八十年有會

戊寅 甲子 癸亥

十九出家五年事仙人行樂行六年行苦行三十成
 道智論用此二云亦有諸部及大乘說二十九出家
 三十五成道增一中雜三阿舍經出曜經和須密論
 並說二十九悲華 經善見論說三十五成道本起
 經云三十五也菩提流支引經偈云八年作嬰兒七
 年作童子四年學五明十年受五欲六年行苦行三
 十五成道四十五年中教化諸衆生真諦及西域記
 並同此說金光明經報恩經等同說佛壽八十年也
 甲子但七十九年略釋偈曰言五明者瑜伽釋云○
顯示正因果相二已作不失未作不得相○二者因
明有二種相一示摧伏他論勝利相二示免脫他論

庚辰

穆王滿子昭王用造父為御乘乎八駿日行千里具如周史
 重錢鼓曰射擲塞門大象曰御餘如經論廣陳
 樂六十四書悉曉曰書百二千數並窮曰數透九
 馬世尊在宮為太子時性自仁賢曰禮通諸風俗曰
 體六書四數窮知秘壤五射能開弓弩六御善調象
 吾也六義者一禮長幼謙謹二樂風俗正變三書八
 世法○三端六義等言三端者一文華二武鋒三辨
 善巧相四示斷已不生善巧相○五者工巧明善諸
 成立相二示語工巧勝利相○四醫方明有四種
 勝利相○三者聲明亦有二相二示安立字界乃

治五十五年

壽一十歲即位

作甫刑

王命甫侯呂級

減重約五刑為三千墨劓各一千刑是鬼偶乃偃師

獻于化人北山曰王時西極有化人來反山川移

美王敬之若聖築中天臺以居之乃易殊

室利目連等示相也然王未知是佛弟子

癸未 世尊示成道苦行六年既滿沐於熙涅連河受牧牛
女之乳糜納吉祥之軟草詣菩提樹王坐金剎座上
三十四心示成正覺號天人師其一切智住世垂訓
四十九年說法三時初中後善以有空言破空有執
二邊既離中道斯存俾利鈍機發修自行故演而伸
之為八萬四千之法藏也博施濟衆因果張焉斷惡
懲善聖凡別矣羣生自茲有仗也初入鹿苑度五比
甲申 丘度優樓頻羅迦葉千人出家

乙酉 佛象頭山為龍鬼說法等

丙戌 佛度舍利弗目犍連二百五十人出家

丁亥 須達長者布金買祇陀園建寺奉佛

戊子 佛在拘耶尼國為婆陀和菩薩說苦行般若等經

己丑 佛在柳山為純真陀羅王等說法

庚寅 佛在穢澤為阿掘摩說法及升忉利天

■ 栴檀像始建世尊成道八年上忉利天為母說法經

九十日優闍國王思慕如來命大目連及毘首羯摩
天化為匠人詣天宮摹佛相好以栴檀香木刻像供
養既而夏滿下降中天王及大臣及國人民同往迎
佛其像騰空向佛問訊佛為摩頂受記曰我滅度千
年以後汝往震旦廣利人天

辛卯佛還摩竭國為弗沙王說法等

壬辰佛為彌勒說修行本起經

癸巳佛還迦毘羅國為父王說法普曜經載此

戊戌佛於欲色二界說大集等經

己亥佛始說十六會八部般若等經

辛丑佛始檢約徒眾勅置戒律

丙午佛從弟阿難始出家

辛亥阿難請佛度摩訶波闍波底比丘尼等出家

辛未佛說金光明并法華等經于靈山會上是年世尊拈

花示眾百萬人天皆茫然唯金色頭陀破顏微笑世

尊曰吾有正法眼藏涅槃妙心實相無相微妙法門

今付於汝汝當護持并敕阿難副貳傳化聽吾偈曰

法本法無法無法亦法今付無法時法法何曾法

爾時世尊說此偈已復告迦葉吾將金鏤僧伽黎傳

付於汝轉授補處慈氏毋令斷絕拈花一事荆國王

萬卷言親見於梵王問佛經中具載但此經

壬申

二月十五日世尊示涅槃應世七十九年化緣周畢

於拘尸羅國金沙跋提河間娑羅雙樹下說涅槃經

及遺教經已安住常寂滅光名大涅槃右脇而臥於

中夜寂然無聲闍維得舍利八斛四斗涅槃經前時

八

有白虹一十二道南北貫通連宵不滅穆王問太史
扈多曰是何徵也對曰西方有大聖人滅度哀相現
也王曰朕常患此今既滅度更何憂耶西土諸王以
香木闍維今身建塔震旦計十九處

乙亥 共王繫扈穆王有聖德治十二年王嘗游于涇上密

康公受之而不
以獻王遂滅密

丁亥 懿王囂共王周室衰詩人刺之遷都治二十五年齊

世哀公荒淫王命
烹之作變風刺之

壬子 孝王辟方共王弟王時外國有進二尺虎又進四角

犀治十五年

丙辰 第一祖摩訶迦葉摩竭陀國人也姓婆羅門父飲澤

身皆
金色

母香志昔為鍛金師善明金性使其柔伏付法傳云
嘗於久遠劫中毗婆尸佛入涅槃後四眾起塔塔中
像面上金色有少缺壞時有貧女將金珠往金師所
請飾佛面既而因共發願願我二人為無姻夫妻由
是因緣九十一劫身皆金色後生梵天天壽盡生中
天摩竭陀國婆羅門家名曰迦葉波此云飲光勝尊
蓋以金色為號也繇是志求出家異度諸有佛言善
來比丘須髮自除袈裟著體常於眾中稱歎第一復
言吾以清淨法眼將付於汝汝可流布無令斷絕涅

槃經云爾時世尊欲涅槃時迦葉不在眾會

高禪師正宗記

評曰昔涅槃會之初如來告諸比丘曰汝等不應作如是語我今所有無上正法悉已付屬摩訶迦葉是迦葉者當為汝等作大依止然正宗者聖人密相傳授不可必知其處與時也以經酌之則法華先而涅槃後也方說法華迦葉預焉及涅槃而不在其會吾謂付法之時其在二經之間耳或謂靈山拈花又曰付法於多子塔前然此未見所出吾雖稍取亦不敢果以為審也○佛告諸大弟子迦

葉來時可令宣揚正法眼藏爾時迦葉在耆闍崛山賓鉢羅窟觀勝光明即入三昧以淨天眼觀見世尊於熙連河側入般涅槃乃告其徒曰如來涅槃也何其駛哉即至雙樹間悲戀號泣佛於金棺內現雙足爾時迦葉告諸比丘佛已荼毗金剛舍利非我等事

我等宜當結集法眼無令斷絕乃說偈曰如來弟子

且莫涅槃得神通者當赴結集於是得神通者悉集

王舍耆闍崛山賓鉢羅窟時阿難為漏未盡不得入

會後證阿羅漢果由是得入迦葉乃白眾言此阿難

比丘多聞總持有大智惠常隨如來梵行清淨所聞

佛法如水傳器無有遺餘佛所讚歎聰敏第一宜可

請彼集修多羅藏大眾默然迦葉告阿難曰汝今宜

宣法眼阿難聞語信受觀察眾心而宣偈言比丘諸

眷屬離佛不在嚴猶如虛空中眾星之無月說是偈

已禮眾僧足升法座而說是言如是我聞一時佛住

某處說某經教乃至人天等作禮奉行時迦葉問諸比丘阿難所言不錯謬乎皆曰不異世尊所說迦葉乃告阿難言我今年不久留今將正法付囑於汝汝善守護聽吾偈言法法本來法無法無非法何於一法中有法有不法說是偈已乃持僧伽黎衣入雞足山侯慈氏下生即周孝王五年丙辰歲也

丁卯

秦非子

其先高陽之後始女修大業大費佐舜為相大廉孟戲中衍乃大廉玄孫鳥身人言為殷太武之御中涌飛廉惡來秦之先也後至柏翳佐禹治水有功舜賜姓嬴氏後之非子周孝王使主馬又大蕃息封于秦號曰秦嬴至德公居雍城秦州隴城縣也後穆公始霸至昭襄稱王自非子下秦侯公伯秦仲莊平文宣出武德宣成穆康共桓襄惠

厲蹕懷靈簡惠出獻孝惠文王武王昭王三十二君六百三十八年也

夷王燮

懿王次子周室陵遲諸侯朝朔下堂迎之治十六年

厲王胡

夷王子暴虐無道國人叛之襲殺于彘通周召五十二年

癸巳

二祖阿難王舍城人也姓刹利帝父斛飯王實佛之

從弟也梵語阿難陀此云慶喜亦云歡喜如來成道

夜生因為之名多聞博達智惠無礙世尊以為總持

第一嘗所讚歎加以夙世有大功德受持法藏如水

傳器佛乃命為侍者後阿闍世王白言仁者如來迦

葉尊勝二師皆已涅槃而我多故悉不能覩仁者般

涅槃時願垂告別阿難許之後自念言我身危脆猶

如聚沫况復衰老豈能長久又念阿闍世王與吾有約乃詣王宮告之曰吾欲入涅槃故來辭耳門者曰王寢不可以聞阿難曰俟王覺時當為我說時王夢中見一寶蓋七寶嚴飾千萬億衆圍繞瞻仰俄而風雨暴至吹折其柄珍寶瓔珞悉墜於地心甚驚異既寤門者具白上事王聞語已失聲號慟哀感天地即至毘舍離城見阿難在恒河中流跏趺而坐王乃作禮而說偈言稽首三界尊棄我而至此暫憑悲願力且莫般涅槃時毘舍離王亦在河側復說偈言尊者一何速而歸寂滅場願住須臾閒而受於供養爾時

阿難見二國王咸來勸請乃說偈言二王善嚴住勿為苦悲戀涅槃當我淨而無諸有故阿難復念我若偏向一國而般涅槃諸國爭競無有是處應以平等度諸有情遂於恒河中流將入寂滅是時山河大地六種震動雪山中五百仙人覩茲瑞應飛空而至禮阿難足胡跪白言我於長老當證佛法願垂大慈度脫我等阿難默然受請即變現伽河悉為金地為其仙衆說諸大法阿難復念先所度脫弟子應當來集須臾五百羅漢從空而下為諸仙人出家受具其仙衆中有二羅漢一名商那和修二名末田地迦阿難

知是瀆器乃告之曰昔如來以大法眼傳大迦葉迦
葉入定而傳於我我今將滅用傳於汝汝受吾教當
聽偈言本來傳有法傳了言無法各各須自悟悟了
無無法阿難傳法眼藏竟躡身虛空作十八變入風
奮迅三昧分身四分一分奉忉利天一分奉娑竭羅
龍宮一分奉毘舍離王一分奉阿闍世王各建寶塔
而供養之乃厲王十年癸巳歲也

辛亥
世尊入滅一百年矣

傳曰百歲已前人傳雖異法味一如五師傳教首
迦葉波傳之阿難阿難傳商那和修商傳優波毘

上座部
大衆部

多優傳末田底迦自此百年之後法疎一味水乳
兩和析氎分金各宗異見源流派別二部斯興一
上座部二大衆部三百年来展轉分破大衆本末
別成九部大衆部一說部說出世部鷄胤部多聞
部說假部制多山部西山住部北山住部○上座
本末成十一部說一切有部上座部犢子部法上
部賢胄部正量部密林山部化地部法藏部飲光
部經量部嗚呼正法加絲以麻嘉謨增乳以水慕
道者惑于異端孰非曷是悲哉

庚申

共和元年王崩

王時不道濫謗百姓不言政道路相
逢視之以目由是作亂叛王于羣在

甲子

政三十七年周召二伯
行政號共和凡十四年

宣王靖

厲王子初王奔彘太子匿召公家國人圍之
公以子代之太子方得脫既長周召二伯立

之為王修文武成康之風諸侯復宗
周時天下大旱王自責身六年乃雨治四十六年

王臣史籀改蒼頡古文為大篆
今岐下石鼓有數字至宋蘇軾辨得

幾字

大篆
始此

乙未

鄭桓公友

厲王少子宣王之弟初封鄭今華陰
縣後徙滎陽今新鄭是至幽公弟君

乙為君自桓下武莊厲昭壘嬰厲穆靈襄悼
成釐簡定獻聲哀共濡君乙凡二十三君二

百八十
一年

第三祖商那和修摩突羅國人也亦名舍那婆斯姓
毘舍多父林勝母憍奢那在胎六年而生梵云商諾

六年
胎生

迦此云自然服即西域九枝秀草名也若羅漢聖人
降生則此草生於淨地祖生時瑞草斯應昔如來行
化至摩突羅國見一青林枝葉茂盛語阿難曰此林
地名優留荼吾滅度後一百年有比丘商那和脩於
此地轉妙法輪後百歲果誕祖出家證道受慶喜尊
者法眼化導有情及止此林降二火龍歸順佛教龍
因施地以建梵宮祖化緣既久思傳正法尋於吒利
國得優波鞠多以為給侍因問鞠多曰汝年幾邪答
曰我年十七祖曰汝身十七性十七耶答曰師髮已
白為髮白耶心白耶祖曰我但髮白非心白耳曰我

身十七非性十七也和修知是法器三載後遂為落
髮受具乃告曰昔如來以無上正法眼藏傳囑迦葉
展轉相授而至於我我今傳汝勿令斷絕汝受吾教
聽吾偈言非法亦非心無心亦無法說是心法時是
法非心法說偈已即隱於罽賓國南象白山中後於
三昧中見弟子耄多有五百徒眾常多懈慢祖乃往
彼現龍奮迅三昧以調伏之而說偈曰通達非彼此
至聖無長短汝除輕慢意疾得阿羅漢五百比丘聞
偈已依教奉行皆獲無漏祖乃作十八變火光三昧
用焚其身耄多收舍利葬於梵迦羅山五百比丘各

持一旛迎導至彼建塔供養乃宣王二十二年乙未
巳未歲王無辜殺杜伯一日出畋見杜伯持弓矢射王中
心墮車折脊而殛事見墨子載也

庚申幽王宮涅宣王子嬖褒姒生伯服褒太子與申后而
立伯服褒姒不好笑王乃舉烽燧大鼓諸

甲子侯皆至又且無寇褒姒大笑王悅後申侯與犬戎
同伐王于驪山復舉烽燧諸侯不至遂歿山下乃
扶太子宜白為在位十一年

癸午幽王庶子西兵殺王伯服乃
立國人不順未經年而廢之東周

平王宜白都于洛陽東遷洛京以辟難治五十一年

壬申申侯立之諸侯寔盛政出方伯

辛卯 世尊示滅二百年矣

庚子

第四祖優波鞠多吒利國人也六名優波崛多又名
邬波鞠多姓首陀父善意十七出家二十證果隨方
行化至摩突羅國得度者甚眾由是魔宮震動波旬
愁怖遂竭其魔力以害正法祖即入三昧觀其所由
波旬復伺便密持瓔珞縻之于頸及祖出定乃取人
狗蛇三屍化為華鬘更言慰諭波旬曰汝與我瓔絡
甚是珍妙吾有華鬘以相酬奉波旬大喜引頸受之
即變為三種臭屍蟲蛆壞爛波旬厭惡大生憂惱盡
已神力不能移動乃升六欲天告諸天王又詣梵王

降魔
波旬

求其解免彼各告言十力弟子所作神變我輩凡陋
何能去之波旬曰然則奈何梵王曰汝可歸心尊者
即能除斷乃為說偈令其回向曰若因地倒還因地
起離地求起終無其理波旬受教已即下天宮禮尊
者足哀露懺悔鞠多告曰汝自今去於如來正法更
不作燒害否波旬曰我誓回向佛道永斷不善祖曰
若然者汝可口自唱言歸依三寶魔王合掌三唱華
鬘悉除乃歡喜踊躍作禮尊者而說偈曰稽首三昧
尊十力聖弟子我今願回向勿令有劣弱尊者在此
化導證果最多每度一人以一籌置於石室其室縱

化籌
石室

通華三卷
十八肘廣十二肘充滿其間寂後有一長者子名曰香衆來禮尊者志求出家祖問曰汝身出家心出家答曰我來出家不為身心祖曰不為身心復誰出家曰夫出家者無我我故無我我故即心不生滅心不生滅即是常道諸佛亦常心無形相其體亦然祖曰汝當大悟心自通達宜依佛法僧紹隆聖種即為剃度受具足戒仍告之曰汝父嘗夢金日而生汝可名提多迦復謂曰如來以大法眼藏次第傳授以至於我今復傳汝聽吾偈言心自本來心本心非有法有法有本心非心非本法傳法已乃踊身虛空呈十八

變然復本坐跏趺而逝多迦以室內籌用焚其軀收舍利建塔供養即平王三十年庚子歲也

已未 王四十九年乃魯隱公元年孔子春秋編年始于此

桓王林平王孫太子洩早卒立王在位二十三年

莊王佗桓王子在位十五年

第五祖提多迦者摩迦陀國人初生之時父夢金日自屋而出照耀天地前有大山諸寶巖飾山頂泉湧滂沱四流後遇龜多尊者為解之曰寶山者吾身也泉湧者法無盡也日從屋出者汝今入道之相也照耀天地者汝智惠超越也尊者本名香衆師因易今

名焉梵語提多迦此云通真量也多迦聞師說已懽
 喜踊躍而唱偈言巍巍七寶山常出智惠泉廻為真
 法味能度諸有緣趨多尊者亦說偈曰我法傳於汝
 當現大智惠金日從屋出照耀於天地提多迦聞師
 妙偈設禮奉持後至中印度彼國有八千大仙彌遮
 迦為首聞尊者至率眾瞻禮謂尊者曰昔與師同生
 梵天我遇阿私陀仙人授我仙法師逢十力弟子修
 習禪那自此報分殊塗已經六劫尊者曰支離累劫
 誠哉不虛今可捨邪歸正以入佛乘彌遮迦曰昔阿
 私陀仙人授我記云汝却後六劫當遇同學獲無漏

果今也相遇非宿緣邪願師慈悲令我解脫尊者即
 度出家命聖授戒餘仙眾始生我慢尊者示大神通
 於是俱發菩提心一時出家乃告彌遮迦曰昔如來
 以大法眼藏密傳迦葉展轉相授而至於我我今傳
 汝當護念之乃說偈曰通達本法心無法無非法悟
 了同未悟無心亦無法說偈踊身虛空作十八變火
 光三昧自焚其軀彌遮迦與八千比丘同收舍利於
 班荼山中起塔供養即莊王五年己丑歲也

庚子

僖王胡齊

莊王子名釐

治五年○五霸次興

中庸子曰霸者假也用威

刑而防政使仁義而不湮秦漢皆霸道也春秋稱五霸者左傳曰齊桓公九合諸侯一匡天下孔子

稱為五霸之首○晉文公召天子於河陽而朝諸侯矣○秦繆公因伐鄭而敗諸峻悔過脩德○宋襄公為鹿上之盟求諸侯於楚楚人許之○楚莊王率諸侯伐陳而立陳靈公諸侯皆伏矣

乙巳 惠王僖王初莊王嬖姬妃生子頹頹有寵而後楚子賁包茅治二十五年不貢入周矣

庚午 襄王鄭惠王子子帶作亂王奔鄭伯伐頹殺之立王時齊桓伐治三十三年晉文公殺子帶立王

辛未 世尊入滅三百年矣此後龍猛菩薩造中論等破除有見後提婆等諸大論師造百

論等弘闡大義了義燈明

甲申 第六祖彌遮迦者中印度人也既傳法已遊化至北天竺國見雉堞之上有金色祥雲歎曰斯道人氣也必有居士為吾法嗣乃入城於闐闐間有一人手持

酒器逆而問曰師何方而來欲往何所師曰從自心來欲往無處曰識我手中物否師曰此是觸器而負淨者曰師還識我否師曰我即不識識即非我又謂曰汝試自稱名氏吾當後示本因彼因說偈而答我從無量劫至于生此國本姓頗羅墮名字婆須密師曰我師提多迦說世尊昔遊北印度語阿難言此國中吾滅後三百年有一聖人姓頗羅墮名婆須密而於禪祖當獲第七世尊記汝汝應出家彼乃置器禮師側立而言曰我思往劫嘗作檀那獻一如來寶座彼佛記我云汝於賢劫釋迦法中宣傳至教今苾師

說願加度脫師即與披剃復圓戒相乃告之曰正法
眼藏今傳於汝勿令斷絕乃說偈曰無心無可得說
得不名法若了心非心始解心心法說偈已入師子
奮迅三昧踊身虛空高七多羅樹却復本坐化火自
焚婆須密收靈骨貯七寶函建浮圖寘于上級即襄
王十五年甲申歲也

癸卯

頃王壬臣

襄王子

治六年

楚莊王始霸

巳酉

匡王班

頃王子

在位六年

壬子

○

有云此年世尊入滅者破邪論引候

乙未

定王瑜

匡王子

治二十一年

楚子問鼎之大小輕重

丁巳

老聃氏於是年九月十四日生于楚國陳郡苦縣賴

鄉曲仁里魏書云老聃父姓韓名乾字元畢母曰精

敷二合而娠孕八十年而生於李樹下因以為姓名

耳字伯陽身長四尺六寸額凸眉麓反唇鸞鼻髯尖

腭闊聃耳鬚頭故謚曰聃以疑獨之道祕于心三寶

之德資于用一曰慈二曰儉三曰不敢為天下先景

王巳卯紫氣浮關欲往流沙時有函關令尹喜知道

之人也乃請言教老氏遂著道德二篇合五千言皆

評大道也既而弗克至于流沙薨于槐里年八十四

歲時有秦佚之弔三號而出是知天命殞于周也墓

孕八十年而生

著道
德經

甲子三百四十五年

在槐里西南三十里渭水之陽今與平縣也佛先三
辛未第七祖婆須密者北天竺國人也姓頗羅墮常服淨
衣執酒器游行里閤或吟或嘯人謂之狂及遇彌遮
迦尊者宣如來往誌自惺前緣投器出家授法行化
至迦摩羅國廣興佛事於法座前忽有一智者自稱
我名佛陀難提今與師論義師曰仁者論即不義義
即不論若擬論義終非義論難提知師義勝心即欽
伏曰我願求道露甘露味尊者遂與剃度而授具戒
復告之曰如來正法眼藏我今傳汝汝當護持乃說

偈曰心同虛空界示等虛空法證得虛空時無是無
非法尊者即入慈心三昧時梵王帝釋及諸天衆俱
來作禮而說偈言賢劫衆聖祖而當第七位尊者哀
念我請為宣佛地尊者從三昧起示衆云我所得法
而非有故若識佛地離有無故說此語已還入三昧
示涅槃相難提即於本座起七寶塔以葬全身即定
王十七年辛未歲也

丙子簡王夷定王治十四年

丁丑○老氏仕周為守歲吏時年二十二矣

巳丑○老氏遷太史令時年三十四矣一云柱下史自是

靈王生而有鬚

五十四年不調時人目為吏隱也王十四年魯襄元也

庚寅

靈王泄心簡王生而有鬚治二十七年

庚戌

一十一年老氏五十五歲矣

孔子生于魯國今兗州鄒邑平鄉晉昌里實隱公後第九代襄公二十一年冬十一月初四日按殷本紀孔子父姓紇梁名紇為鄒邑宰先娶鄒氏女生子孟皮不才後娶顏氏女名徵在夫婦禱尼丘山而生孔子生而有鬚身長九尺六寸腰帶十圍垂手過膝河眸海口龍顏方頰鳳顙燕頤虬髭虬視有中和之

孔子生而有鬚

德衣莊而嚴色温而厲有四十二表如世家自易姓

孔氏名丘字仲尼至唐玄宗謚曰文宣王丘先殷之

後裔穎考妣弗何祖焉至紇移居魯易姓紇梁後孔

子追昔先王姓字以子配一更姓孔氏是不忘本仁

也學無常師自然英才誕秀聖德不羣世號素王大

宣文教矣魯哀公十一年自衛反魯修文教於洙泗

之濱祖述堯舜憲章文武之風約魯史而修春秋周

平魯隱始之自己未終敬王魯哀壬戌記二百四十

二年之事明王室衰諸侯霸衰貶得失絕筆于獲麟

之句也而傳有五左丘明公羊高穀梁赤鄒氏郊氏

孔子生而有鬚

繫周易
作春秋

刪詩三百而詠國風雅頌正變之道也而傳者分為
四詩毛韓魯齊詩以關雎首之明有夫婦次有父子
君臣之道三綱逆順辨其國政定尚書凡百篇始于
二典次及三王典謨誓誥之文備悉明也秦火之後
漢儒伏生口授裁二十餘篇正禮樂有二禮記四十
九篇而以曲禮首之終于喪服之制俾夫孝弟施行
安上治民廣大悉備而傳者徐生首焉周禮者六官
之屬王百七十五明宗廟社稷王侯等差朝格典儀
大全其式矣贊易道始于太極是生兩儀四象八卦
萬物生焉作十翼書以明之謂上繫下繫上彖下彖

上象下象文言說卦叙卦雜卦而傳者古今衆多
學三千達者七十有二四科十哲德行顏回閔損冉
耕仲弓言語宰予端木賜政事冉求仲由文學言偃
卜商子鯉伯魚孫伋子思皆預其數壽七十三歲夢
佛先三百九十九年

辛亥 世尊示滅四百年矣 時迦濕弥羅國五百六通
依法智論造毘婆沙論

丁巳 景王貴 靈王
次子 治二十五年

甲子 第八祖佛陀難提者迦摩羅國人也姓瞿曇氏頂有

丙寅 肉髻辨捷無礙初遇婆須密尊者出家受教既而領

徒行化至提迦國城毘舍羅家見其舍有白光上騰

頂有
肉髻

謂徒衆曰此家聖人口無言說真大乘器不行四衢
知觸穢耳言訖長者出致禮問何所須祖曰我求侍
者曰我有一子名伏馱密多年已五十口未曾言足
未曾履祖曰如汝所說真吾弟子祖既見之遽起禮
拜而說偈曰父母非我親誰是最親者諸佛非我道
誰是最道者祖以偈答曰汝言與心親父母非可比
汝行與道合諸佛心即是外求有相佛與汝不相似
欲識汝本心非合亦非離伏馱密多聞祖妙偈便行
七步祖曰此子昔曾值佛悲願廣大慮父母愛情難
捨故不言不履耳時長者遂捨令出家祖尋授具戒

口不言
足不履
五十年

復告之曰我今以如來正法眼藏傳囑於汝勿令斷
絕乃說偈曰虛空無內外心法亦如此若了虛空故
是達真如理密多承師傳囑以偈讚曰我師禪祖中
當得為第八法化衆無量悉獲阿羅漢爾時尊者佛
陀難提即現神變却復本坐儼然寂滅衆興寶塔葬
其全身即景王十年丙寅歲也

乙亥孔子時年二十六適周問禮於老聃聃年已七十九
已卯老聃是年薨壽八十四歲

辛巳四月王崩劉子單子立王子猛六月子朝作亂十月

晉納王子王城十一月猛卒

是為悼王

壬午

敬王悼王弟 劉猷公單穆公韓宣等伐子朝立王治

四十三年

乙酉

○冬克鞏逐王子朝入成周自是謂王城為西周成周為東周

壬辰 十一年乃魯定元年

辛丑 孔子為魯司寇年已五十二矣

癸卯 孔子去魯適衛

乙巳 孔子之宋如陳

戊申 孔子微服過宋

己酉 孔子厄於陳

二十八年魯哀公十一年孔子自衛返魯作春秋定

四寅

六經時年六十一歲矣

庚胎六十年

第九祖伏馱密多者提迦國人姓毗舍羅既受佛陀難提傳囑後至中印度行化時有長者香蓋携一子而來瞻禮尊者曰此子處胎六十年因號難生復嘗會一仙者謂此兒非凡當為法器令遇尊者可令出家祖即與落髮授戒羯磨之際祥光燭座仍感舍利三十粒現前自此精進忘疲既而師告之曰如來大法眼藏今傳於汝汝護念之乃說偈曰真理本無名

因名顯真理受得真實法非真亦非偽尊者傳法已即入滅盡三昧而般涅槃衆以香油旃檀闍維真體

收舍利建塔于那爛陀寺即敬王三十三年甲寅歲
康申孔子絕筆于獲麟

壬戌王四十年魯哀十六年夏四月八日孔子薨于曲阜
四十三年吳滅矣

丙寅元王仁敬王治八年○越王勾踐始霸矣

癸酉貞定王介元王在位二十八年

辛卯世尊示滅五百年矣

第十祖脇尊者中印度人也本名難生初將誕父夢
一白象背有寶座座上安一明珠從門而入光照四
眾既覺遂生後值伏馱尊者執侍左右未嘗睡眠謂

至
席矣

其脇不至席遂號脇尊者焉初至華氏國憇一樹下
右手指地而告眾曰此地變金色當有聖人入會言
訖即變金色時有長者子富那夜奢合掌前立尊者
問曰汝從何來夜奢曰我心非往尊者曰汝何處住
曰我心非止祖曰汝不定邪曰諸佛亦然祖曰汝非
諸佛曰諸佛亦非祖因說偈曰此地變金色預知於
聖至當坐菩提樹覺華而成已夜奢復說偈曰師坐
金色地常說真實義回光而照我令入三摩諦祖知
其意即度出家復具戒品乃告之曰如來大法眼藏
今傳於汝汝護念之乃說偈曰真體自然真因真說

有理領得真真法無行六無止傳法已即現神變入于涅槃化火自焚四眾以衣械盛舍利隨處興塔焉即貞王二十七年己亥歲也

辛丑 考王嵬一名隗治十五年

丙辰 威烈王午考王在位二十四年

甲子 王十九年魏斯好賢即文侯之德

丁丑 通鑑始于此宋司馬光集

戊寅 王命趙魏韓為諸侯自此號為七雄

佛祖歷代通載卷第三 終

佛祖歷代通載卷第四
嘉興路大中祥符禪寺住持華亭念常集

戊寅

韓魏趙 雷氏曰魏趙韓齊燕楚及秦是為七雄

韓武子其先與周同姓後事晉封于韓自武子至王安十二君一百九十六年

魏武子畢公萬之後與周同姓武王克殷封于畢時秦王嘗欲伐魏或曰文侯師田

子方受子夏經義容段于木過其闔君禮人賢國民稱仁上下和合未可圖也有賢人孟軻鄒衍淳于髡之徒矣。惠王時有女子化為大。夫。其先畢萬事于晉晉獻公封于魏。在河東。郇。至悼公在絳陽文武復魏自畢萬至王儼凡九世通計一百年至秦始皇滅之。

趙武子其先與秦同祖殷飛廉二子惡來季勝季勝趙之先後造父為穆王御封于趙

城目姓趙氏至敬侯都邯鄲自後至大五嘉為秦將王賁虜之凡十一世計一百八十七

年齊燕楚
秦見上注

庚辰

安王驕

一名龍威烈王之

治二十六年

辛巳

二年晉分為三晉趙魏及韓同謀滅晉三分其地也

丙申

○齊滅

戊戌

第十一祖富那夜奢華氏國人也姓瞿曇氏父寶身
既得法於脇尊者尋詣波羅奈國有馬鳴大士迎而
作禮曰問曰我欲識佛何者即是祖曰汝欲識佛不
識者是曰佛既不識焉知是乎祖曰既不識佛焉知
不是曰此是鋸義祖曰彼是木義復問鋸義者何曰
與師平出又問木義者何祖曰汝被我解馬鳴然

馬鳴化
吞身

惺悟稽首歸依遂求剃度祖謂衆曰此大士者昔為
毘舍離國王其國有一類人如馬裸露王運神力不
身為蠶彼乃得衣王後復主中印度馬人感戀悲鳴
曰號馬鳴焉如來記云吾滅度後六百年當有賢者
馬鳴於波羅奈國摧伏異道度人無量繼吾傳化今
正是時即告之曰如來大法眼藏今付於汝即說偈
曰迷悟如隱顯明暗不相離今付隱顯法非一亦非
二付法已即現神變湛然圓寂衆興寶塔以闕全身

即安王十九年戊戌歲也

丙午

烈王喜

安王子王時天

治七年是歲日食

角或口

三

癸丑

甲寅

甲子

辛未

甲午

顯王扁烈王在位四十八年時蘇秦遊說六國
二年秦惠始稱王矣

王十二年

世尊示滅六百年矣

第十二祖馬鳴大士者波羅奈國人也亦名功勝以有作無作諸功德最為殊勝故名焉既受法於夜奢尊者後於華氏國轉妙法輪忽有老人坐前仆地師謂衆曰此非庸流當有異相言訖不見俄從地踊出一金色人復化為女子右手指師而說偈曰稽首長老尊當受如來記今於此地上宣通第一義說偈已

祖現金
龍降魔
為說性
海法門

瞥然不見師曰將有魔來與吾校力有頃風雨暴至天地晦冥師曰魔之來信矣吾當除之即指空中現一大金龍奮發威神震動山嶽師儼然於坐魔事隨滅經七日有一小蟲大若螭蟻潛形坐下師以手取之示衆曰斯乃魔之所變盜聽吾法耳乃放之令去魔不能動師告之曰汝但歸依三寶即得神通遂復本形作禮懺悔師問曰汝名誰邪眷屬多少曰我名迦毘摩羅有三千眷屬師曰汝盡神力變化若何曰我化巨海極為小事師曰汝化性海得否曰何謂性海我未嘗知師即為說性海云山河大地皆依建立

三昧六通由茲發現毘摩羅聞言遂發信心與徒眾
三千俱求剃度師乃召五百羅漢與授具戒復告之
曰如來大法眼藏今當付汝汝聽偈言隱顯即奉法
明暗元不二今付悟了法非取亦非離付法已即入
龍奮迅三昧挺身空中如日輪相然後示滅四眾以
真體藏之龍龕即顯王四十二年甲午歲也

辛丑

慎靚正定

顯王

治六年

王時六國皆自稱王

丁未

赧王延

慎靚王子

治吾十九年

東西周分治為諸侯所侵王與居人無異王徙都太子治夷

甲子

十八年

丙子

三十年宋滅矣



五辰

第十三祖迦毘摩羅華氏國人也初為外道有徒三

千通諸異論後於馬鳴尊者得法領徒至西印度彼

有太子名雲自在仰尊者名請於宮中供養祖曰如

來有教沙門不得親近國王大臣權勢之家太子曰

今我國城之北有大山焉山中有一石窟師可禪寂

于此否祖曰諾即入彼山行數里逢一大鱗祖直進

不顧遂盤繞祖身祖曰與我歸依鱗聽訖而去祖將

至石窟復有一老人素服而出合掌問訊祖曰汝何

所止答曰我昔嘗為比丘多樂寂靜有初學比丘數

來請益而我煩於應答起嗔恨想命終墮為鱗身住

比丘恪法墮為鱗身

是窟中今已千載適遇尊者獲聞戒法故來謝耳祖
問曰此山更有何人居心曰北去十里有大樹蔭覆
五百大龍其樹王名龍樹常為龍眾說法我亦聽受
耳尊者遂與徒眾詣彼龍樹出迎尊者曰深山孤寂
龍麟所居大德至尊何枉神足祖曰吾非至尊來訪賢
者龍樹默念曰此師得決定性明道眼否是大聖繼
真乘否祖曰汝雖心語吾以意知但辦出家何慮吾
之不聖龍樹聞已悔謝尊者即與度脫及五百龍眾
俱受具戒復告龍樹曰今以如來大法眼藏付囑於
汝諦聽偈言非隱非顯法說是真實際悟此隱顯法

非愚亦非知付法已即現神變化火焚身龍樹收五
色舍利建塔瘞之即被王四十六年壬辰歲也

乙巳

○王與六國攻秦昭王怒攻西周王懼伏于秦盡獻
其邑是年秦使將軍摎攻之取九鼎寶器王慚而
卒巳上八百六十七年內三
百二十五年載春秋周滅

右周合三十七君八百六十七年

秦

雷氏曰昭襄孝文莊襄始皇胡亥
子嬰秦朝六君四十九年

丙午

昭襄王穆惠文子姓嬴氏王水德都咸陽今京兆也治五年

至始皇時建亥正通霸五十一年

辛亥

世尊示滅七百年矣

孝文王戊昭王子元年脩先王功臣褒厚親施苑囿除

喪在位三月運教一年

王子莊襄王楚孝文王子以呂不常為相治三年○次年癸丑日食

○十四國諸侯 ○戰國七雄



乙卯 始皇政年莊襄子昭四十八年正月且日生于邯鄲其

下令逐諸侯客李斯諫而止

萬世獨稱曰朕改年朝賀皆自二月朔衣服不韋
 皆尚黑置守尉監築長城名民曰黔首用呂不韋
 一趙高李斯為相蒙恬白起驕縱周遊天下國平
 稽瑯琊還至沙丘忽患病治三十七年壽五
 七月丙申崩于平臺矣

辛未 滅韓

癸酉 滅趙

丙子 滅魏

戊寅 滅楚

己卯 虜燕王喜

庚辰 滅齊

壬午 二十八年東巡郡縣上卸嶧山及登瑯琊刻石頌德

又上泰山立石封祠祀值風雨於松下回封五大夫

又遣徐福求仙

癸未 沙門室利防等一十八人來自西域帝惡其異俗以

付獄俄有金剛神碎獄門而出之帝懼即厚禮遣之

時國事區區弗克敬奉

丁亥 築長城

戊子 焚書

己丑 坑儒作阿房宮

九

第十四祖龍樹尊者西天竺國人也亦名龍勝始於毘

羅尊者得法後至南印度彼國之人多信福業聞尊

者為說妙法遞相謂曰人有福業世間第一徒言佛

性誰能觀之尊者曰汝欲見佛性先須除我慢彼人

曰佛性大小尊者曰非大非小非廣非狹無福無報

不死不生彼聞理勝悉回初心尊者復於座上現自

在身如滿月輪一切衆唯聞法音不覩師相彼衆中

有長者子名迦那提婆謂衆曰識此相否衆曰目所

未覩安能辯識提婆曰此是尊者現佛性體相以未

我等何以知之蓋以無相三昧形如滿月佛性之義

造大智
度論及
中論等

靡然虛明言訖輪相即隱復居本座而說偈言身現
圓月相以表諸佛體說法無其形用辨非聲色彼眾
聞偈咸願出家以求解脫尊者即為剃髮命諸聖授
具其國先有外道五千餘人作大幻術眾皆宗仰尊
者悉為化之令歸三寶復造大智度論中論十二門
論垂之於世後告上首弟子迦那提婆曰如來大法
眼藏今當付汝聽吾偈言為明隱顯法方說解脫理
於汝心不證無瞋亦無喜付汝訖入月輪三昧廣現
神變復就本座凝然禪寂迦那提婆與諸四眾共建
寶塔以葬焉即秦始皇三十五年己丑歲也

壬辰

二世胡亥

始皇少子帝崩李斯殺扶蘇而立為帝二十一年即
之高遂嬌詔殺扶蘇而立為帝二十一年即

位治
三年

癸巳

劉季起沛項羽起江東率諸侯
伐秦陳勝吳廣起天下大亂矣

甲午

為趙高殺
于望夷宮

三世子嬰

扶蘇子○初趙高使將上殿欲壞者三高引
之百官莫從將上殿欲壞者三高引

知天命不與乃立于嬰即位三世後趙高尸齋宮
素車奉重降于軹道為秦王四十六日○沛公既
入咸陽封宮室府庫還軍灞上○項羽後入關遂
殺子嬰秦
遂滅矣

右秦

自始皇二十六年初并天下
若帝位凡十五年而漢滅之

西漢

雷氏曰

漢高惠呂文景武昭昌邑宣元
成衰平孺十有四君二百十四

十

乙未

左股有七十二黑子

高祖邦

初字季姓劉氏王火德治十二年初用秦正太

陽里人降準龍顏左股有七十二黑子初為泗上亭長單父呂公妻之以女因徙徒驪山到豐五澤中放之徒中壯士願從者十人初行山澤斬當路白蛇後人見老姬哭曰吾子白帝子為赤帝子斬之秦二世元年布衣起于沛而滅秦為漢以蕭何為相韓信為將張良為謀即漢有三傑焉共成項羽于烏江生于秦昭四十六年壽六十二歲大定天下丁未夏四月崩于長樂宮葬長陵

西楚

霸王項羽

名籍下相人也楚將項燕之孫身長八尺目有重瞳勢可拔山力能舉鼎

申

二年冬十月五星聚東井十一月召諸縣父老約法

吳中子弟皆譚之秦二世元年從季父項梁起江東至三年滅秦自号西楚都彭城立五年漢會諸侯于垓下大潰破之遂至烏江自刎而死矣

三章殺人者死傷人及抵謫罪餘去秦法項羽

丁酉

使英布殺義帝于絀是年滅韓趙魏三國

戊戌

滅齊

巳亥

滅燕與項羽約洪溝為界以分天下

庚子

會諸將圍羽於垓下虞姬自刎

辛丑

改咸陽為長安

丁未

孝惠盈

字日滿高祖子母呂氏十七即位見母殘酷使人請太后曰吾終不能治天下遂縱酒色

姪樂甲寅八月崩于未央治七年始有笛仲時之

宮葬安陵壽二十四歲○

癸丑

起長安西市脩建倉敖

笛者滌也滌蕩邪穢納于雅正龍笛有七孔竹笛五孔羌笛三孔也

甲寅 高后雉姓呂氏單父呂公女少帝幼太后臨朝稱制

立諸呂為王欲謀天下幾危劉氏劉章周勃

乙卯 ○地震○六月晦日食○行八銖錢

丙辰 ○秋星晝見

戊午 五年南越王自稱武帝

己未 ○春星晝見○行五分錢

庚申 正月日食

壬戌 文帝恒高祖次子母薄姬初呂后封諸呂為王陳平

寬惠溫純謹潔不華節百姓富樂自即位後凡

下二七詔利民太半甲申崩未央宮葬灑度壽

甲子 文帝三年也

庚辰 第十五祖迦那提婆南天竺國人也姓毘舍羅初求

福業兼樂辯論後謁龍樹大士將及門樹知是智人

先遣侍者以滿鉢水置於座前提婆見之即以一針

投之而進忻然契會樹即為說法不起於坐現月輪

相唯聞其聲不見其形師語眾曰今此瑞者師現佛

性表說法非聲色也師得法後至毘羅國彼有長者

曰梵摩淨德一日園樹生大耳如菌味甚美唯長者

與第二子羅喉羅多取而食之取已隨長盡而復生

自餘親屬皆不能見時尊者知其宿因遂至其家長

師負針鉢相接

比丘虛
沾信施
故報為
木耳

者問其故尊者曰汝家昔曾供養一比丘然此比丘
道眼未明以虛霑信施故報為木菌唯汝與子精誠
供養得以享之餘即否矣又問長者年多少曰七十
有九尊者乃說偈曰入道不通理覆身還信施汝年
八十一此樹不生耳長者聞偈彌加歎伏且曰弟子
衰老不能事師願舍次子隨師出家尊者曰昔如來
記此子當第二五百年為大教主今之相遇蓋符宿
曰即與剃髮執侍至巴連弗城聞諸外道欲障佛法
計之既久尊者乃執長旛入彼眾中彼問祖曰汝何
不前祖曰汝何不後又曰汝似賤人祖曰汝似良人

執長旛
除外道

又曰汝解何法祖曰汝百不解又曰我欲得佛祖曰
我灼然得佛又曰汝不合得祖曰元道我得汝實不
得又曰汝既不得云何言得祖曰汝有我故所以不
得我無我我故自當得彼辭既屈乃問祖曰汝名何
等祖曰我名迦那提婆彼既夙聞祖名乃悔過致謝
時眾中猶互興問難尊者折以無礙之辯由是歸伏
乃告上三羅睺羅多而付法眼偈曰本對傳法人為
說解脫理於法實無證無終亦無始說偈已入奮迅
定身放八光而歸寂滅學眾興塔而供養之即前漢
文帝十九年庚辰歲也

乙酉 景帝 啓文帝子母竇氏三十二歲即位好黃老二子 治十六年

宮葬陽陵 壽四十八

丁亥 世尊示滅八百年矣

辛亥 世尊示滅八百年矣

戊戌 帝滅答法定箠今嘔血而死

辛丑 武帝 徹 改建元 十景之倒策果七十二歲崩于五祚殿

葬于茂陵 治五十四年 依運曆圖辛丑建

乙巳 始建 年号

帝好仙術敬方士文成五利等鑄半兩錢貪地 好殺命司馬廷等造漢太初曆以正月為歲首

丁未 改元 光

癸丑 改元 朔

巳未 改元 狩 淮南王安衡山王賜以謀

庚申 用孫寬為相儻青霍去病為將北伐兗奴開河朔 之地又平南越王東滅朝鮮為郡縣西歷五

國執昆邱王收休屠王後遣張 騫西往身毒國尋浮圖教果獲之

乙丑 改元 鼎 四月初作誥官之有誥始此

戊辰 第十六祖 羅睺羅多者迦毘羅國人也行化至室羅

笈城有河名曰金水其味殊美中流復現五佛影祖

告衆曰此河之源凡五百里有聖者僧伽難提居於

彼處佛誌一千年後當紹聖位語已領諸學衆沂流

而上至彼見僧伽難提安坐入定祖與衆伺之經三
七日方從定起祖問曰汝身定邪心定邪曰身心俱
定祖曰身心俱定何有出入曰雖有出入不失定相
如金在井金體常寂祖曰若金在井若金出井金無
動靜何物出入曰言金動靜何物出入許金出入金
非動靜祖曰若金在井出者何金若金出井在者何
物曰金若出井在者非金金若出井出者非物祖曰
此義不然曰彼理非著祖曰此義當墮曰彼義不成
祖曰彼義不成我義成矣曰我義雖成法非我故祖
曰我義已成我無我故曰我無我故復成何義祖曰

我無我故故成汝義曰仁者師於何聖得是無我祖
曰我師迦那提婆證是無我曰稽首提婆師而出於
仁者仁者無我故我欲師仁者祖曰我已無我故汝
須見我我汝若師我故知我非我我難提心意豁然
即求度脫尊者曰汝心自在非我所繫語已即以右
手擎鉢舉至梵宮取彼香飯將齋大衆而大衆忽
生厭惡之心尊者曰非我之咎汝等自業即命僧伽
難提今坐同食衆復訝之祖曰汝不得食皆由此故
當知與吾今坐者即過去娑羅樹王如來也愍物降
迹汝輩亦莊嚴劫中已至三果而未證無漏者也衆

鉢取梵
宮香飯

手入地
輪際取
甘露水

曰我師神力斯可信矣彼云過去佛者即竊疑焉羅
睽羅多知衆生慢乃曰世尊在日世界平正無有丘
陵江河溝洫水悉甘美草木滋茂國土豐盈無八苦
行十善自雙樹示滅八百餘年世界丘墟草木枯悴
人無至信正念輕微不信真如唯愛神力言訖以右
手漸展入地至金剛輪際取甘露水以琉璃器持至
會所大衆見之即時欽慕悔過作禮於是尊者命僧
伽難提而付法眼偈曰於法實無證不取亦不離法
非有無相内外云何起付法已安坐歸窻曰衆建塔
當前漢武帝二十八年戊辰歲也

辛未 改元封

丁丑 改太初

辛巳 改天漢

乙酉 改太始

己丑 改征和

庚寅 ○ 巫蠱起江充等掘蠱於太子宮太子與皇后謀

乙未 昭帝弗陵周武之子輔政至戊申四月崩未央宮葬于平陵

十四 壽二十 治十三年改始元

辛丑 改元鳳 ○ 上官桀子安與霍光爭權

丁未 改元平

生而能言

第十七祖僧伽難提者室羅筏城寶莊嚴王之子也
 生而能言常讚佛事七歲即厭世樂以偈告其父母
 曰稽首大慈父和南骨血母我今欲出家幸願哀愍
 故父母固止之遂終日不食乃許其在家出家號僧
 伽難提復命沙門禪利多為之師積十九載未嘗退
 倦尊者每自念言身居王宮胡為出家一夕天光下
 屬見一路坦平不覺徐行約十里許至大岩前有石
 窟焉乃燕寐于中父既失子即擯禪利多出國訪尋
 其子不知所在經十年尊者得法受記已行化至摩
 提國忽有涼風襲衆身心悅適非常而不知其然祖

曰此道德之風也當有聖者出世嗣續祖燈乎言訖
 以神力攝諸大衆遊歷山谷食頃至一峯下謂衆曰
 此峯頂有紫雲如蓋聖人居此矣即與大衆徘徊久
 之見山舍一童子持圓鑑直造尊者前祖問汝幾歲
 邪曰百歲祖曰汝年尚幼何言百歲曰我不會理正
 百歲耳祖曰汝善機邪曰佛言若人生百歲不會諸佛
 機未若生一日而得決了之祖曰汝手中當何所表
 曰諸佛大圓鑑內外無瑕翳兩人同得見心眼皆相
 似彼父母聞子語即舍令出家祖携至本處受具戒
 訖名伽邪舍多他時聞風吹殿銅鈴聲祖問鈴鳴邪

風鳴邪舍多曰非風非鈴我心鳴耳祖曰心復誰乎
曰俱察靜故尊者曰善哉善哉繼吾道者非子而誰
即付法偈曰心地本無生曰地後緣起緣種不相妨
華果亦復尔付法已右手攀樹而化大眾議曰尊者
樹下歸寐其垂蔭後裔乎將奉全身於高原建塔眾
力不能舉即就樹下起塔當前漢昭帝十三年丁未
歲也

戊申

昌邑王

名賀哀王 醇之子 武之孫 在位二十七日 狂
縱淫戲 無度 罪犯一千一百二十七事 霍光
與田延年白太后 解聖送之 昌邑廢 為海昏侯 誅
昌邑群臣不能輔道者二百餘人 唯王吉龔遂以
數諫得免

宣
生而足 下有毛

宣帝詢改本始

武帝曾孫 戾太子孫 生而足 下有毛
初名病已 戾太子孫 彼巫蠱事已 在襁
襁褓 丙吉救養 在於掖庭 外家霍光 廢昌邑 奏太
后 就民間 迎之 即位 遠方來朝 号中 兵主 壬申十
二月 崩 未央 官 壽 治二十四年 時 敕 一
四月 十三 葬 杜陵

壬子 改地節

丙辰 改元康

庚申 改神爵

鳳
四四 改五鳳

戊辰 改甘露

辛未

○帝興自民間 知民疾苦 魏相丙吉 為相 黃霸
龔遂為太守 後耿壽昌 奏置常平倉 以利民
世尊示滅九百年矣

時址天竺富婁義國有大論師名憍尸迦三子同號
婆蘇盤豆此曰天親長曰阿僧佉此云無著首暢大
乘阿瑜闍國大講堂中請聖慈尊說瑜伽論廣明五
分十七地義次曰伐蘇畔徒此云世親首學小乘造
俱舍論後從兄化演暢真宗造唯識等窮探大義幼
曰比隣持弗婆提此云獅子覺造集論釋大有研尋
異矣哉三弘中道並譽五天妙旃檀林寧容荆棘俱
求知足歸真應期御世談玄難可詳矣

壬申 改黃龍

元帝 改初元 宣之子二十七歲即位戊子五月崩
于未央宮葬渭陵壽四十三用儒

治十六年

戊寅 改永光

癸未 改建昭

戊子 改竟寧

成帝 驚 改建始 字太孫元帝子二十即位以諸舅王
鳳等為列侯更進為相五侯專政賢

臣昇退甲寅三月崩未央宮 在位二十六年 壽四十五
葬延陵

癸巳 改河平

丁酉 改陽朔

辛丑 改鴻嘉 光祿大夫劉向傳比觀
典籍往往見有佛經

乙巳 改永始

卷四

通鑑四卷

戊申
入胎七日而生

第十八祖伽那舍多摩提國人也姓鬱頭藍父天蓋母方聖嘗夢大神持鑑曰時有娠凡七日而誕肌體瑩如琉璃未嘗洗沐自然香潔幼好閒靜語非常童持鑑出遊遇難提尊者得度領徒至大月氏國見一婆羅門舍有異氣祖將入彼舍舍主鳩摩羅多問曰是何徒衆曰是佛弟子彼聞佛號心神竦然即時閉戶祖良久自扣其門羅多曰此舍無人祖曰答無者誰羅多聞語知是異人遽開闔延接尊者曰昔世尊記曰吾滅後一千年有大士出現於月氏國紹隆玄化今汝值吾應斯嘉運於是鳩摩羅多發宿命智授

誠出家受具訖付法偈曰有種有心地曰緣能發萌於緣不相礙當生生不生付法已踊身虛空現十八變化火光三昧自焚其身衆以舍利起塔當前漢成帝二十年戊申歲也

巳酉 改元延

癸丑 改綏和

識人未

都水使者劉向集列仙傳檢藏得梵本佛經六十卷編入仙傳則知自周以來有

乙卯 哀帝欣改建平

元帝庶孫定陶恭王子十九即位六年庚申六月崩未央宮葬義陵壽二

五十 在位六年

巳未 改元壽

景憲使西域大月氏王令木子口授獻浮圖經

辛酉 平帝衍改元始

元帝庶孫中山孝王興之子三歲封

甲子五四

立莽女為后○莽加宰衡

王莽秉政乙丑崩未治五年加王莽為大司馬又

丙寅

孺子嬰

宣帝玄孫廣戚侯顯之子莽既鳩平帝嬰在

子吏民稱臣帝治三年即位莽初行周公故事一如天

戊辰

改初始

王莽即位偽符

新室

姓王氏都長安雷氏曰合莽玄益子

以十二月建正合莽玄益子

巳巳

莽字巨君

封新都侯以女為平帝后後篡奪即位初

為漢光武軍師殺之

在位十五年改元建國

甲戌

改天鳳

庚辰 改地皇

壬午

第十九祖鳩摩羅多者大月氏國婆羅門之子也昔

為自在天人欲界第六天見菩薩瓔珞忽起愛心墮生初

利欲界第二天聞憍尸迦說般若波羅蜜多以法勝故升

于梵天界以根利故善說法要諸天尊為導師以繼

祖時至遂降月氏後至中天竺國有大士闍夜多問

曰我家父母素信三寶而嘗縈疾瘵凡所營作皆不

如意而我隣家久為旃陀羅行而身常勇健所作和

合彼何幸而我何辜尊者曰何足疑乎且善惡之報

有三時焉凡人但見仁天暴壽逆吉義凶便謂巨曰

果虛罪福殊不知影響相隨毫釐靡忒縱經百千萬劫亦不磨滅時闍夜多聞是語已頓釋所疑祖曰汝雖已信三業而未明業從惑生惑曰識有識依不覺不覺依心心本清淨無生滅無造作無報應無勝負寂寂然靈靈然汝若入此法門可與諸佛同矣一切善惡有為無為皆如夢幻闍夜多承言領旨即發宿惠懇求出家既受具尊者告曰吾今寂滅時至汝當紹行化迹乃付法眼偈曰性上本無生為對求人說於法既無得何懷決不決祖曰此是妙音如來見性清淨之句汝宜傳布後學言訖即於坐上以拍瓜務面

如紅蓮開出大光明照耀四衆而入寂滅闍夜多起塔當新室十四年壬午歲也

癸未

淮陽劉玄

字聖公景帝七代孫光武族兄景帝生長沙王發春陵侯買戴侯熊渠蒼梧太守利

于張生聖公為王素懦弱羞愧汗流舉手不能言二年曰收馬子郊下曰縊殺之光武使劉禹葬于

甲申

劉盆子

太山人陽城王章之後憲武侯萌之子初與樊崇起甚皆朱眉破莽建武三年降于光

乙酉

東漢

都洛陽姓劉雷氏云順冲質桓靈獻遭殃氏都洛陽姓劉雷氏云順冲質桓靈獻遭殃

世祖光武帝秀

字文林南蔡人高祖九世孫景帝子長沙王發生春陵侯買鬱林太守外

合十三主百九十五

用鹿都尉南頓令欽之子生有赤光照室既長
丁巳二月崩于南宮前治三十三年改元建武
殿壽六十二葬原陵

戊戌封孔子為褒城侯

辛亥世尊示滅一千年矣此後護法諸大菩薩等相次出世造論矣

丙辰改中元○京師有醴泉出飲者疾愈矣

戊午明帝光武第四子十歲通春秋三十即位大興儒學乙亥崩于東宮前殿壽四十八葬顯節陵

治十八年改元永平

辛酉

帝夢金人身長丈六項佩日輪飛至殿庭旦集群臣令占所夢通人傳毅奏曰臣按周書異記昭王二十四年甲寅四月八日平旦之時暴風忽起宮殿人舍

咸悉震動夜有五色光氣入貫太微徧於四方盡作青紅色王問太史蘇由曰是何祥也對曰西方有大聖人生也王曰於天下何如對曰此時無他後一千年聲教被及此土王使鑿石記之埋在南郊天祠前以年計之至今辛酉一千一十年也陛下所夢將必是乎帝信以為然即遣中郎將蔡愔博士王遵秦憬等十有八人西訪其道至大月氏國果遇迦葉摩騰竺法蘭二三歲持優填王第四造白氎像并四十二章經愔等奉迎而歸于洛矣

戊辰

教流此土十二月三十日愔等迎二沙門至于洛陽

帝令模像置清涼臺及顯節陵并洛京西門以示萬姓梵漢二經安蘭臺石室

巳巳。

詔以釋迦寶像奉安顯節陵及清涼臺供養帝於城

廿五

西雍門外立寺與騰蘭居之以白馬駝經而來遂名

白馬寺騰蘭初譯四十二章經帝幸其寺騰蘭進曰寺

東何館帝曰昔有阜無曰而起夷之復然夜有光恠

民呼為聖冢回祀之疑洛陽神也騰曰按天竺金藏

詮所誌阿育王藏如來舍利於天下凡八萬四千所

今支那震且境中十有九處此其一也帝大驚即日

駕幸聖冢而騰蘭隨往乘起忽有圓光現冢上三身

現光中侍衛呼萬歲帝喜曰不遇二大士安知上聖

遺祐哉詔塔于上受制度於騰蘭塔成九層高二百

尺明年光又現有金色手出塔頂尺許如琉璃中見

天香郁然帝駕幸琴瞻光隨步武旋繞自午及申而

滅矣

法蘭出十地斷結經

庚午

○楚王英皇弟也學黃老與佛作圖讖以謀反廢徙丹陽自殺累及千餘人

辛未

釋道比較焚經是年正月一日五嶽諸山道士褚善

信等上表欲相比較時南嶽道士褚善信等西嶽道

士劉立念等此嶽道士桓文度等東嶽道士焦德心

釋道比
較焚經

寺嵩嶽道士呂惠通等諸山道士費材才祁文信等
一千三百一十人表以奏聞勅納表遣尚書令宗庠
引入長樂宮以今月十五日可集白馬寺築壇火驗
時道士等將真元五訣符錄等五百九卷茅成子等
二十七家二百三十五卷通計七百四十八卷置之
壇上褚費之徒焚香呪已遂使火之諸子道書皆成
灰燼褚費二人自感而死次將梵本火然赫奕宛如
鼎新更增光潔時摩騰法師神變凌空泠然偈曰狐
非師子類燈非日月明池無巨海納丘無山嶽嶠法
雲垂世界善種得開萌顯通希有法處處化群生乃

至弘宣法戒葺葺神通勝事驚心士庶投誠出家者
衆時有司空陽城侯劉善峻等一千餘人出家慕道
四嶽道士呂惠通等六百二十八人抽簪落髮夫人
王婕妤等與宮媛二百三十餘人厭俗歸真南嶽道
士葬褚善信不蒙披剃既而明帝設齋親與下髮廣
施衣鉢大啓玄宗廣度僧尼高崇十寺城外七寺安
僧城內三寺安尼寺之得名自斯而始備如佛道論
石室論云昔西域聖人之教既非衰周暴秦之君
能致然西漢二三英主有可致之德而聖教亦不
至獨現夢於顯宗凡近古高僧皆推聖人去世登

千載而後教至曾未有考著顯宗之德有必感聖人之理此予通論所以作也夫兩漢有天下傳一十四世有君德者二祖四宗而已二祖蓋立極之主固無可議若三宗各有其美而不能曰其弊唯顯宗為至焉有太宗恭儉之美而文雅威重過之有世宗經畧四夷之勲而無世宗淫侈之弊有中宗政治之明而崇儒尚德過之斯蓋兼有三宗之長而無三宗之短是以班固傳毅頌其勲德於漢為最盛然世之學者不以班傳為信徒見鍾離意傳謂帝性褊察好以耳目隱蔽為明遂以此為顯

宗實錄嗚呼豈萬論哉昔仲丘平章討論五帝三王治具以貽後世迨其歿遭暴秦燔毀之餘世宗僅能舉之而已至顯宗乃始躬行儒術尊養三老五更饗社禮畢帝正坐自講諸儒執經問難於是時冠帶縉紳之士園橋門而觀聽者億萬計濟濟乎洋洋乎由三代以來儒風之盛莫甚於平時也及章和之後諸儒開館授道著籍者動逾千數蓋求平之化行猶周南麟趾之應也初雖獄訟繁劇帝臨政刻意裁斷精嚴蓋善善惡惡之實猶孔子為司寇七日而誅少正卯暫臨夾谷而盡誅優倡此

誠不可以少假仁恕也謂之褊察則過矣予謂使孔子復生必曰顯宗吾無間然矣由顯宗包舉西漢三宗之美躬行古帝王之道此所以精爽與吾佛感通而聖教日之被于中夏與儒相表裏而廣天下以善也夫豈偶尔哉

甲戌

第二十祖闍夜多者壯天竺國人也智惠淵沖化道無量後至羅閱城敷揚頓教彼有學衆唯尚辨論為首者名婆脩盤頭此云常一食不卧六時礼佛清淨無欲為衆所歸祖將欲度之先問彼衆曰此徧行頭陀能脩梵行可得佛道乎衆曰我師精進何故不可

祖曰汝師與道遠矣設苦行歷於塵劫皆虛妄之本也衆曰尊者蘊何德行而譏我師祖曰我不求道亦不顛倒我不禮佛亦不輕慢我不長坐亦不懈怠我不一食亦不雜食我不知足亦不貪欲心無所希名之曰道時徧行聞已發無漏智懽喜讚歎尊者又語彼衆曰會吾語否吾所以然者為其求道心切夫絃急即斷故吾不贊令其住安樂地入諸佛智復告徧行曰吾適對衆抑挫仁者得無惱於衷乎曰我憶念七劫前生安樂國師於智者月淨記我非久當證斯陀舍黑時有大光明菩薩出世我以老故策杖礼謁

策杖倚
壁畫佛
面遂失
二果

師叱我曰童子輕父一何鄙哉時我自謂無過請師
示之師曰汝禮大光明菩薩以杖倚壁畫佛面以此
過慢遂失二果我責躬悔過以來聞諸惡言如風如
響况今獲飲無上甘露而反生熱惱邪唯願大慈以
妙道垂誨祖曰汝久植衆德當繼吾宗聽吾偈曰言
下合無生同於法界性若能如是解通達理事竟付
法已不起於坐奄然歸寂闍維收舍利建塔當後漢
明帝十七年甲戌歲也

佛祖歷代通載卷第四

